

靈寶无量度人上經大法卷之六十 五

南昌受煉品

皇人曰夫受煉死竟當遵靈寶本科而行先當詣

聖前焚香默奏畢次坐宣儀

具位百某以今焚香仰啓

三清上聖十極高真太一救苦天尊天樞三

應真君南昌上官長生大君九華真人南宮

煉度真人南宮朱陵上帝開光尊神火府高

真水宮仙聖煉度司主宰黃籙院仙宰將吏

功曹神兵土地飛天大神妙行真人九光童

子八威龍文神火池神將水池神將攝魄使

者度魂主吏火府功曹童子吏兵火池童子

司命真君司録真君延壽益算度厄尊神廻

骸起死監生大神五道大神溟冷大神煉度

大神直日功曹煉度吏兵一切真宰伏願飛

雲暫出於丹霄羽駕迂臨於法界五色鬱勃

慈光徧燭於幽冥四象吁負惠澤普霑於黑

壤即使臣得開度拯拔幽魂今乞先賜大慈

永為證鑒

發召魂符念隱諱念金闕化身天尊想引

亡魂至素前

伏以天地垂覆載之德愛育物以无私陰陽

推禍福之源必應人之以類其有犯一不義

行一不仁明固未免於人非幽實難逃於鬼

責故若男若女為庶為官事君事親治人治

己儻若背二儀生成之造昧三光臨照之明

報國靡盡於忠勤居家罔竭於孝養驕奢淫

逸而不遵恭儉諛諛倖倖而弗守中庸邪佞

嫉妬而正直固間殘忍殺害而仁恕不立妄

言綺語或變亂於是非曲意偏心而競於

良善冒干榮祿則薄功而厚享黷于貨財則

苟取而多藏罔知性命之所自來不究衣食

之所自出倚法竊柄則輕重其心依勢作威

則高下其手曾不皈依三寶愆念四生怨道

咎師凌人傲物呪詛毒害公肆詐欺披經與

以懷疑對神祇而起慢腥腫自恣蔑聞齊戒

之儀香火不修寧有深誠之薦凡此數端皆

地獄之種子乃塵劫之迷因唯務自營謂長

不死忽爾五行數盡大限時臨塚訟徵呼冤

仇執對咎殃交至疾病縈纏或墮天傷或經

產厄一切橫夭百種非亡永夜不陽獨抱憂

愁之苦流年如逝尚縈考治之科况乃更生

之未期雖欲自新之无路若非投依三境至

尊丹天大帝朱陵火府煉度真聰孰知大道

之好生用赦群迷之極苦令者亡過某入叨

居塵世未免凡身其於俯仰之間寧无愧怍

之事由是身口意故起貪嗔癡縱有如前之

咎愆全假從今之拯拔三塗困滯九壘拘囚

咸仗薦修悉臻解脫恭惟

大羅元始靈寶慈尊顯龍漢以蕩蕩示玉眸

以誥誥大推眇眇劫後之功以施巍巍大梵

之德敷五篇於碧落畢濟含生垂八角於朱

陵悉度群品伴死魂之受煉獲仙化以成人

乃以赤文靈暉丹天祖炁勅九光之童子命

煉度之真人攝召幽魂挺鎔流火當使冤仇

燼滅業垢烟消遂高步於朱宮乃垂名於紫

策今辰謹依大法煉度魂儀恭奉行持仰祈

真應

再上香念十方救苦天尊執元始符命

臣聞靈寶本章追度亡矣十回度人九冥隱  
韻開化自然空洞降靈太虛生神總治法象  
統歸三元瓊宮大聖高居帝尊教私至妙考  
校因緣元始符命下拔幽局普救眾生追度

祖先上詣朱官切告三官嶽瀆靈洞十二河  
源赦除罪爽不得稽停大會玄都速召萬神  
中有東極官中尋聲赴感太一救苦天尊中  
有度魂化形之君中有太冥煉尸大神中有  
大慈妙行真人中有天機好生文昌延壽益

算度厄尊神招靈玄都无量度人今日校錄  
諸天臨軒謹召十方威龍大神皓華大神玄  
英大神煉度大神變身大神復相大神正精  
大神火府大神返形大神返魂大神超生大  
神光明照耀洞朗諸天神霄上相仙伯陶公

執籙把籍齊到帝前普度眾生上世亡魂救  
攝鬼帝來聽教言鄧都洞陰司禁侍郎各持  
黑簿削落罪根不得拘留逼合鬼群所有元  
始符命謹為闡行臣无任懇禱之至謹言

念太一救苦天尊執度幽魂符上香

臣伏聞長生大聖飛天神王當未明之初劫  
會始青於上天山嶽吞烟承靈寶之隱韻鬼  
精滅英振妙首之靈章施迴救起死之功普  
監真度生之德尋聲赴感隨願往生伏請長  
生大聖飛天神王齋元始之符命赦北都之

罪魂使亡過某<sub>人</sub>獲制魔而保舉得時刻以  
昇遷侍衛送迎咸計日而受煉遊遊劫刃之  
臺證果洞玄之妙不經地獄徑上南宮脫五  
苦八難以逍遙薦九祖七玄而快樂請无拘  
制克副玄科臣无任懇禱之至

念火煉丹界天尊  
伏願飛天神王使者吏兵等一如昔日始青  
天上浮黎法會之中不忘元始天尊教戒之  
言伏為開度亡過某人死魂受煉仙化成人  
生身受度劫劫長存一切有情俱登道岸

念朱陵度命天尊上香兩手中指中文召  
神吏  
謹召丹天左衛大將軍直日功曹使者地道  
功曹黃籙院功曹丹天童子追魂主吏聚魂  
功曹攝魂將軍煉魂使者火池水沼神將人

府神兵煉度司神將來詣壇所當職謹奏道  
旨煉度死魂爾等威神當為處分泰山五道  
城隍主者地府陰神引魂官吏疾速恭依原  
赦攝召亡過某人前到壇所以憑煉度  
念煉度南宮天尊

先拍左手卯文云都功成東炁吹彈次拍  
辰文云興生轉西炁吹彈次拍三塗訣云  
可轉明南炁吹彈獨隸運北炁吹彈對魂  
聚魂公都聚魂攝中央炁吹彈焚玉律畢  
即吸鬼門炁吹却取東南炁吹亡魂即別

訣次弄輪訣默念勾神訣  
化五帝符訣祝曰  
青帝護魂保鎮三官  
拍震文云紅右存吸東方青炁九道在口  
運自己肝炁九道入口相交連訣吹彈符

中  
赤帝養炁萬神歸身  
拍離文云墨黑存南方赤炁三道在口還  
自己心炁三道入口相交連訣吹彈符中  
白帝侍魂治煉陰邪

指兌文云磨真存吸西方白炁七道在口  
還自己肺炁七道入口相交連訣吹彈符  
中

黑帝通血萬神保精

指坎文云機腸存北方黑炁五道在口還  
自己腎炁五道入口相交連訣吹彈符中

黃帝中主萬神无越

指中指中文云靈寶存吸中央黃炁十二  
道在口還自己脾炁十二道入口相交連  
訣吹彈符中

焚淨天地符洒甘露誦解穢呪曰

神靈天真 玉液元津 上清華房 元始老君  
妙入太霞 光耀玄文 七神飛泉 北鄴受烟  
我位上王 逼合鬼群 八威吐火 爾爾尊神  
千千去穢 凶惡不存 萬萬魔王 保命護形  
急急如律令

次念火呪三編化日君符念畢指搗神將  
引領亡魂赴火池煉質再誦火呪三編次  
念隱語一編次火池內燒流金煉形符焚  
符呪曰

陽明景精 火煥紫庭 八芒朗映 魂魄溢盈  
五回三轉 炁通太靈 流芳曲注 蔭潤倉生  
冠帶金門 華根鮮明 服御五景 水母灌津  
順天運炁 隨日華榮 九孔納冥 解脫本形  
急急如

靈寶大法煉化成人律令

次念水呪三編化月君符呪曰  
耀羅丹陽 元景敷陳 赤爐大明 九炁齊并  
三五運精 二象交纏 玉胞石體 煉故返新  
流霞玄注 水母凝神 和魂柔魄 內外同烟  
仰餐月華 口吸日根 靈芝盈溢 面發金仙  
與月同幹 與日同存 乘景飛空 上造帝宸  
次焚九陽符十二道次焚十二神將符念  
畢指揮神將引領亡魂赴水沼蕩形再呪  
三編及念隱語一編水沼內燒合形符

今則亡魂某溼質明池煉形流火一切汙染  
悉獲蕩除五濁穢軀盡歸清潔魔无干犯身  
有光明今則恭詣壇前受洒甘露領諸功德  
以遂超生  
念法雨普潤天尊

次宿命讚

悲夫長夜苦 熱惱三塗中 猛火出咽喉  
長生飢渴念 一灑甘露雨 如熱得清涼  
神魂生大羅 潤及於一切  
次念天氣呪曰

天澄炁清 五色高明 日月吐輝 濯煉身形  
神津內盥 香湯煉精 光景流耀 煥映上清  
炁不受邪 五臟納靈 罪滅三塗 禍消九冥  
惡根斷絕 福慶自生 今日大願 一切告盟  
普受闍度 昇入帝庭

次發符錄并合用牒

伏以亡魂奄歸長夜永隔陽光今某人追念  
逝川冀登蓬岸盤瀝哀號之懇修崇薦拔之  
科廣設濟場備臻妙善懺愆贖罪煉質還神  
業培既已蕩除靈識逮當明了然後身度我  
界体入自然依仗真風永契虛无之妙受持  
寶誥克臻廣漠之遊悟本性以道遙達初心  
之清靜天香不夜散花大渺之室洞景長春  
舞樂大羅之境親朝元始西極丹皇瞻瓊輪  
羽蓋之儀仰金闕玉房之範永超劫運更不

輪迴即叩壇前受領功果

念起度仙界天尊

念隱語一徧指起度訣燒符

靈寶无量度人上經大法卷之六十

靈寶无量度人上經大法卷之六十一 无

靈寶煉度品

法師拜起立存神靜默交乾布斗變神為

太一天尊想諸神在左右次於水火池內

行持升座側立整飭水冠樓神定志躬身

焚香啓白

具法位臣某焚香仰啓

三清上聖十極高真太一救苦天尊天經三

省五府主者三天扶教大法師南昌上宮長

生大君南宮度命君九華真人南極真人左

玄真人朱陵上帝開光尊神火府高真水宮

仙聖輔君司馬煉度司主宰黃籙院仙宰黃

籙院判官將吏功曹神兵土地飛天大聖妙

行真人煉度真人八威龍文神君火池神將

水池神將攝魂使者度魂主吏火府功曹童

子吏兵火池童子五九司命真君司錄真君延壽

益算度厄尊神迴骸起死无量度人監生大

神五道大神溟泠大神煉度直日功曹煉度

吏兵一切真宰伏願飛雲暫出於丹天羽蓋

下臨於法界五色鬱勃慈光徧燭於幽冥四

象吁員惠澤普霑於黑壤即使臣得行開度  
拯拔幽魂今乞先賜大慈允為明證謹稽首  
再拜

請聖法事

臣伏聞靈寶本章追度亡爽十回度人九冥

隱韻開化自然空洞降靈太虛生神總治法

象統歸三元瓊官大聖高居帝尊敷私至妙

考校因緣元始符命下拘幽局普為衆生追

度祖先上詣朱宮切告三官嶽瀆靈洞十二

河源原赦罪爽不得稽停大會玄都速召萬

神中有東極尋聲赴感太一救苦天尊中有

度魂化形之君中有太冥煉尸大神中有大

慈妙行真人中有天樞天機好生文昌延壽

益算度厄尊神招靈玄都无量度人今日校

錄諸天臨軒謹召十方龍威大神丹靈大神

皓華大神玄英大神煉度大神變身大神正

精大神火府大神返形大神起生大神光明

照耀洞朗諸天神霄上相陶仙伯南昌上宮

韓司主錄監生大神執籙把籍齋到帝前普

度衆生上世亡魂救攝鬼帝來聽教言懇都